



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. I. An, & quæ ignorantia sit causa peccati?

[urn:nbn:de:hbz:466:1-77355](#)

Respondeo D. Thomam non loqui de motibus sensualitatis qui omnem advertentiam & deliberationem rationis preveniunt, sed tantum de his qui plenam ac perfectam advertentiam & deliberationem antecedunt, & qui primò secundi appellantur: hi enim cùm sint imperfectè voluntarij, sunt peccata venialia, quæ sunt quidam imperfectum in genere peccati, ut ibidem ait S. Doctor.

34. Objicies secundò: Si motus primò primi omni culpâ etiam veniali carerent, potuissent esse in Christo, & in Beata Virgine: Sed hoc dici nequit, ut docent Theologi in tractatu de incarnatione: Ergo nec illud.

Respondeo negando sequelam: quia, ut ibidem docent Theologi, Christo, & B. Virginis concessum fuit privilegium illud statutus innocentia, seu perfectio illa iustitiae originalis, quæ appetitus sensitivus hominis ita subjectus erat rationi, ut sine istius advertentia & imperio nullus in eo motus insurgeret: unde licet in nobis motus circa illicita possint omni culpâ etiam veniali carere, quia possunt insurgere subiecti, & ante omnem advertentiam rationis; in Christo tamen, ejusque Matre purissima, si fuissent, nequam culpâ vacassem, quia cum advertentia & libertate evenissent.

35. Objicies tertio: In appetitu sensitivo hominis, ex subordinatione & coniunctione quam habet cum voluntate & ratione, resultat libertas quædam diminuta & imperfecta, per quam ab aliquo actuali voluntatis motione, & imperio rationis, potest peccare venaliter, ut articulo præcedenti cum Cajetano, Martine, & Salmanticensibus docuimus: Ergo poterit appetitus sensitivus, utendo illa sua libertate imperfecta, in omnibus suis motibus etiam primò primis peccare venialiter.

Respondeo concessio Antecedente, negando consequentiam: quia ut articulo præcedenti ostendimus, libertas imperfecta, convenienter appetitui sensitivo, necessariò exigit ut possint ejus motus à ratione reprimi: motus autem primò primi, quos ratio nullo modo advertit, non possunt ab ea reprimi, & idèò non gaudent libertate illa imperfecta, quam appetitus sensitivus à voluntate participat, subindeque peccata venialia esse nequeunt.

36. Objicies ultimò: Si motus primò primi concupiscentia non essent peccata, licet in eis sibi complacere, aut illos desiderare: At utrumque illicitum est: Ergo illi sunt peccata, saltem venialia.

Sed nego sequelam: licet enim motus primò primi concupiscentia non sint mali malitia formalis, defectus libertatis, sunt tamen mali malitia objectiva, cùm circa objectum malum & à lege prohibitum verterentur; unde eo ipso tribuunt malitiam formalem actibus complacentia vel desiderij, quibus liberè appetuntur; actus enim liber circa objectum malum, & lege prohibatum, formaliter malus est.

DISPUTATIO VI.

De causis peccatorum.

Ad questionem 75. Et quinque sequentes.

C A v s e peccati alia sunt interiores, quæ intra hominem resident; alia exteriores, quæ extra ipsum existunt. Primi generis sunt tres, nempe ignorantia ex parte intellectus; concupiscentia ex parte appetitus; & malitia ex parte voluntatis. Secundi generis tres etiam esse vel excogitari possunt, nimis Deus unà cùm voluntate ad actum peccaminorum concurrens; Diabolus ipsum persuadens; & primus parens originale peccatum in posteris per seminalem propagationem traducens. De hac posteriori causa peccati fusè dicemus disputatione sequenti, ubi de peccato originali differemus: de prioribus vero breviter huc agendum est.

ARTICULUS PRIMUS.

An & que ignorantia sit causa peccati?

S. I.

Multiplex ignorantie diviso.

IGNORANTIA secundum se dividitur primò in eam quæ potius dicitur nescientia, & in eam quæ propriè est ignorantia. Prima dicit carentiam illius scientiæ, quam aliquis nec debet nec natus est acquirere: & idèò cùm sit tantum negotio, non habet rationem mali, sive culpa, sive poena; unde reperitur in Angelis beatis, teste Dionysio cap. 7. celest. Hierar. Cùm enim nulla creatura, quantumvis superioris ordinis, omnia scibilia comprehendat, & saltem ex possibilibus plura omnes creatos lateant intellectus, necesse est ut in omni intellectu creato, sive humano, sive angelico, sit aliquid prædicta nescientia, & solus intellectus divinus, qui omnia scit & comprehendit, eam excludat. Secunda ignorantia dicit carentiam illius scientiæ, quam quis aptus natus est habere; adeoque importat rationem mali, sive culpa, sive poena, & in varia membra subdividitur.

In primis enim ex parte subjecti dividitur in invincibilem & vincibilem: invincibilis est, quando non est in potestate alicujus scire illud quod ignorat, seu quando non potest ignorantiam suam vincere & à se depellere, ut est ignorantia mysteriorum fidei in illis infidelibus, qui nihil de Evangelio audierunt, nec audire potuerunt, & qui infideles negativè appellantur. Vincibilis est, quæ adhuc moraliter diligenter vinci & superari potest: & hæc duplex est, una affectata, quando quis deliberato animo vult aliquid ignorare, ita ut voluntas per se & directè feratur in ipsam ignorantiam, juxta illud Psal. 15. Noluit intelligere ut bene ageret: altera crassa & supina, quando voluntas directè & formaliter in ipsam ignorantiam non fertur, sed tantum indirectè, & interpretativè: v. g. cùm quis non vult adhi-

berc studium & laborem quem tenet & postest adhibere, ut aliquid sciat, tunc indirecte & interpretative censetur velle illud ignorare.

3. Secundò ex oppositione ad scientiam dividitur tam vincibilis quam invincibilis ignorantia in habitualem, quæ est carentia scientiæ habitualis, & actualis, quæ est carentia considerationis & advertentiarum actualium; & in practicam, quæ est defectus scientiæ practicæ dictantis aliquid esse faciendum, vel omnitudinem, & speculativam, quæ est carentia scientiæ speculativa quam tenemur habere, ut est ignorantia articulorum fidei.

4. Tertiò ex parte objecti, seu rerum ignorantiarum, dividitur ignorantia, tam vincibilis, quam invincibilis, in ignorantiam juris, & facti. Ignorantia juris est quæ ignoratur id quod jure decreatum est: unde sicut jus dividitur in naturale & positivum; & hoc rursus in divinum & humanum, & humanum adhuc in ecclesiasticum & sæculare, & tandem sæculare in jus gentium & civile; ita ignorantia juris in totidem membra secari potest. Ignorantia facti est, quæ propter circumstantiam aliquam factum aliquod ignoratur esse illicitum: v. g. cum Jacob accessit ad Liam, quam putabat esse Rachel uxorem suam, ejus ignorantia fuit solum facti, nempe quod Liam loco Rachel fuisse illi supposita; quod enim erat de jure, scilicet viro non licere ad non suam accedere, Jacob ignorare non potuit. Vel si quis ignoraret percuttores Clericorum esse excommunicatos, haberet ignorantiam juris, si vero nesciret hunc quem percutit esse Clericum, ignorantiam facti haberet.

Ultimò ignorantia ratione actus dividitur in antecedentem, concomitantem, & consequentem: de quibus fuse egimus in tractatu de actibus humanis, ad quem Lectorem remittimus, ne eadem saepius repertantur.

S. II.

Resolutio difficultatis propositæ.

Dico primò, ignorantiam esse causam peccati, non directe & per se, sed per accidentem & indirecte, seu ut removens prohibens effectum.

Prima pars patet ex variis Scriptura locis, in quibus homo dicitur peccare per ignorantiam, Levit. 4. Si peccaverint Principes per ignorantiam: Et rursus: Si peccaverint anima per ignorantiam. Et cap. 5. statuuntur sacrificia offerenda pro illis qui peccaverint ex ignorantia. Item ad Hebreos 9. dicit Apostolus, quod semel in anno in sancta sanctorum solus Pontifex introbat, non sine sanguine, quem offerret pro suis & populi ignorantibus, id est, ut ibidem exponeat D. Thomas, pro suis & populi peccatis ex ignorantia commissis. Denique Oseas cap. 1. censet stupendum peccatorum & vitiorum diluvium, quod in terram inundaverat, ejusque causam refert in ignorantiam seu defectum scientia Dei: Non est (inquit) veritas, non est scientia Dei in terra; maledictum, mendacium, & homicidium, & furium, & adulterium inundaverunt, & sanguis sanguinem teigit. Quibus & aliis Scriptura testimoniis D. Bernardus epist. 77. ad Hugonem de S. Victore, improbat errorum cuiusdam negantis peccata per ignorantiam committi.

A Secunda pars, quæ asserit ignorantiam non esse causam peccati per se & directe, sed indirecte tantum & per accidentem, est D. Thomæ hic qu. 76. art. 1. & quæst. 3. de malo art. 8. & manifesta est: cum enim ignorantia sit privatio, nequit directe aliquem influxum politum in peccatum habere, sed indirecte tantum & per accidentem, seu ut removens prohibens, tollendo nimur scientiam, quæ si ad esset, impediret peccatum: unde ignorantia dicitur causa peccati, eo ferè modo, quo removens columnam, detinentem lapidem ne descendat, dicitur, causa descensus ipsius lapidis, quatenus removet obicem, qui talem descensum impidebat.

Dices: Deus denegat auxilia, quæ si adessent, impedit peccatum, & tamen non idcirco dicitur causa peccati, etiam per accidentem, vel ut removens prohibens, ut art. 3. dicemus: Ergo neque id habebit ignorantia, quamvis tollat scientiam, quæ si adesset, impediret peccatum.

Respondeo concessio Antecedente, negando consequentiam, & paritatem: Ratio discriminis est, quia Deus non tenet dare auxilia, quæ denegat, sicut homo tenet adipisci scientiam necessariam ad evitandum peccatum: effectus autem solum attribuitur removenti prohibens, quando is tenet illum impedire, ut docet D. Thomas supra qu. 6. art. 3. & hic qu. 76. art. 2.

C Dico secundò, ignorantiam invincibilem & antecedentem non esse causam peccati, sed ab illo excusat. Ita communiter docent Theologi cum Magistro in 2. dist. 22. & cum D. Thoma hic art. 3. contra Jansenium, qui lib. 2. de statu naturæ lapsi cap. 2. & sequentibus asserit facta cum ignorantia invincibili iuris naturalis, esse peccata culpabilia, & constitutæ homines æternæ damnationis obnoxios, additque hoc esse dogma fidei, à SS. Augustino, & Hieronymo necnon à Patribus Concilij Palestini traditum; & in hoc Scholasticos omnes, qui de hac materia scripserunt, omnino cœcutire: quod etiam ante Jansenium asseruerat Lutherus in cap. 12.

D Genesis, cuius verba sunt: *Scholastici dicant invincibilem ignorantiam reddere excusabiles: tanta cœctias est in Papa scholis & Ecclesiis.*

Hunc Jansenii errorem fuse confutavimus supra in dissertatione Theologica de probabilitate, contra novorum Casuistarum laxitates, & Jansenianorum excessus. Unde hic sufficiet duplum rationem fundamentalem nostræ conclusionis adducere. Prima est: Ignorantia illa à peccato excusat, quæ tollit ab actu rationem voluntarii; nam ut saepè docet Augustinus, & ratio naturalis suadet, peccatum usque ad voluntarium est, ut nullo modo sit peccatum, si non sit voluntarium: Sed ignorantia invincibilis, seu antecedens, tollit ab actu rationem voluntarii; cum tollat ab intellectu cognitionem, sine qua non potest stare voluntarium, ut patet ex ejus definitione: Ergo ignorantia invincibilis & antecedens non est causa peccati, sed ab illo excusat. Unde D. Thomas hic qu. 76. art. 3. sic ait: *Si sit talis ignorantia qua omnino sit involuntaria, sive quia est invincibilis, sive quia est ejus quod quis scire non tenetur, talis ignorantia omnino à peccato excusat.*

Secunda ratio: Deus ex Tridentino non præcipit hominibus impossibilia: Sed præcipere impossibilia, si ignorantia invincibilis non excusat per peccato: Ergo &c. Minor probatur:

Fff iii

Cum voluntas nostra sit potentia cœca, nec pos-
sit ferri, nisi in id, quod intellectus ut bonum
& conveniens ipsi offendit, id duntaxat censem-
tur esse in nostra potestate, quod fit a voluntate
cum plena advertentia rationis, adeoque igno-
rantia, quā aliquid penitus nescitur, impedit
quominus illud sit in nostra potestate: Ergo si
homo teneretur ad implenda præcepta juris na-
turalis, aut positivi, quae ignorat invincibiliter,
obligaretur ad impossibile. Unde Medina h̄c
art. 2. recte obseruat: *Idcirco ignorantiam in-
vincibilem non imputari homini ad peccatum,*
quid nemo obligetur ad impossibile. Qui plura
cupit, prædictam dissertationem confutat, in
qua fuisse has rationes expendimus, & plura B
SS. Patrum testimonia in ejusdem veritatis con-
firmationem adduximus, præcipuaque Jansenii
& Wendorchii fundamenta dissolvimus.

Dico tertio: Ignorantia concomitans, quando
invincibilis est, neque causat peccatum, ne-
que ab illo excusat, sed merè per accidens &
concomitante ad illud se habet.

n. Probatur: Illa ignorantia neque causat pecca-
tum, neque ab illo excusat, qua facit ut actus
ex illa procedens, neque sit voluntarius, neque
involuntarius: Sed ignorantia concomitans,
quando est invincibilis, hoc præstat: Ergo &c.
Major est certa: cūm enim de ratione peccati sit
esse voluntarium, & ipsi repugnet esse involun-
tarium, illa tantum ignorantia potest esse causa
peccati, qua facit actum esse voluntarium; &
illa solum potest à peccato excusat, qua facit
illud esse involuntarium, & inclinationi voluntatis
repugnans. Minor autem communiter do-
cetur à Theologis, & probata fuit in tractatu
de actibus humanis disp. 1. art. 7. conclus. 3. po-
testque breviter suaderi exemplo venatoris, qui
circumeundo sylvam, deprehendit hostem, &
facta sufficiente diligentia, ignorans ipsum esse
hostem, & putans esse feram ibi latitantes,
emittit scopum, vel sagittam, ipsumque inter-
ficit: nam tale homicidium ex ignorantia con-
comitante procedens, neque est voluntarium in
actu secundo; cum ille (ut supponimus) in-
vincibiliter ignoraverit eum qui ibi latebat esse
hostem, & putaverit esse feram, & de ratio-
ne voluntarii sit fieri cum cognitione ejus in
quod tendit, ut ex ejus definitione patet: ne-
que etiam est positivè involuntarium, cūm non
repugnet inclinationi voluntatis ipsius, imò po-
tius ejus voluntas ita affecta sit, ut si cognovis-
set ibi latere hostem, liberti scopum aut fa-
gittam emisisset, ipsumque interfecisset; unde
tale homicidium potest solum dici non volun-
tarium, seu involuntarium negativè, ut ibi-
dem explicatum est: Ergo &c.

12. Confirmatur: Etā tantum ratione ignorantia
causat peccatum, quia tollit scientiam, qua si
adefessus, impedit illud, ut in prima conclusione
ostendimus: Sed ignorantia concomitans non
est huiusmodi; imò qui illam habet, etiam si
haberet scientiam, committeret idem pecca-
tum, ut patet in exemplo adducto; nam qui ex
ignorantia occidit hostem, eo modo occideret,
quamvis illum agnosceret; & propterea dici-
tur ignorantia concomitans, quia nihil confortet
ut actus fiat, vel non fiat, sed eodem modo fieret
sine tali ignorantia, ac sit cum illa: Ergo hæc
ignorantia non est causa peccati. Quare D. Tho-
mas h̄c qu. 76. art. 1. sic ait: *Non qualibet igno-
rantia peccantis est causa peccati, sed illa tantum*

A que tollit scientiam prohibentem actum peccati.
Vnde si voluntas aliquis esset sic disposita, quid
non prohiberetur ab actu parricidii, etiam si pa-
trem agnosceret, ignorantia patris non est huic
causa peccati, sed concomitante se habet ad
peccatum: & idèo talis non peccat propter igno-
rantiam, sed peccat ignorans, secundum Philoso-
phum in 3. Ethic.

Dico quartò, ignorantiam consequentem &
vincibilem, sive sit affectata, sive crassa & su-
pina, esse causam peccati, & minimè ab illo
excusat.

Hæc conclusio patet ex dictis: Tum quia talis
ignorantia removet scientiam, qua si adefessus,
impedit peccatum, adeoque est causa ipsius
peccati; sicut qui removet columnam susten-
tantem lapidem, est causa per accidentem casus
lapidis: Tum etiam quia cūm sit volens directè
vel indirectè, non impedit quin actus ex illa
consequens sit voluntarius, subindeque culpabilis.
Unde Bernardus Epist. 77. supra citata sic
ait: *Multa scienda negliguntur, aut sciendi in-
curiunt, aut discendi desidiunt, aut verecundiā in-
quirendi: & ejusmodi ignorantia non habet ex-
cusationem.*

Quæres primò, an ignorantia vincibilis eo-
rum quæ scire tenemur, sit in seipso peccatum,
vel solum in causa, negligentiā scilicet addi-
cendi?

Respondeo, ignorantiam habitualem non esse
formaliter peccatum in seipso, benè tamen
actualē; licet hoc non habeat à seipso, sed
à negligentiā sciendi ea quæ scire tenemur.

Prima pars patet: Nam ut aliiquid sit formaliter
in se peccatum, debet esse in exercitio, & in
actu secundo voluntarium, adeoque debet esse
vel actus, vel actualis omisssio; unde communi-
niter dicitur quid habitibus, neque meremur,
neque demeremur: Sed ignorantia habitualis
non se habet per modum actus, vel omissionis
actualis, sed per modum habitus: Ergo non est
formaliter peccatum in seipso, sed solum in sua
causa, qua est ignorantia actualis, vel neglig-
entia sciendi; aut in effectu secuto ex ipsa; in
se vero est tantum peccati effectus, vel principium,
sicut reliqui habitus vitioli; unde si ali-
quando peccatum nominetur, intelligendum
est, non formaliter, sed causaliter & effectivè,
eo loquendi modo quo nomina causarum solent
tributus effectibus, & econtra.

Secunda pars etiam manifesta ratione convin-
citur: Nam omnis omisssio actus debiti, supposi-
to quid sit voluntaria, est formaliter peccatum,
ut ex definitione peccati omissionis habetur: Sed
actualis ignorantia vincibilis corum quæ scire
tenemur, est omisssio actus debiti, scilicet debita
cognitionis, & est voluntaria, saltem indirec-
tè: Ergo est formaliter in se peccatum.

Quod vero id non habeat à se, seu secundum
se, sed à negligentiā sciendi, probatur ex S.
Augustino lib. 1. de lib. arbit. cap. 19. dicente:
*Nostri imputatur ad culpam quod inveniunt ignoran-
tas, sed quod negligi querere quod ignoras;* &
ex D. Thoma h̄c art. 2. in corp. ubi ait: *Propter
negligentiam ignorantia corum quæ aliquis scire
tenetur, est peccatum.*

Ratio etiam id suadet: nam ut discurrit Caie-
tanus h̄c art. 2. scire secundum se non est actus
moraliter bonus, cūm scientia, cuius est actus,
sit virtus intellectualis, non vero moralis; sed
solum ut est actus elicitus vel imperatus à yit-

rute studiositatis (sicut orare à virtute religionis) vel quatenus exercetur secundum regulas illius: Ergo & ignorare secundum se non est malum morale & peccatum, sed solum ut est à virtute opposito studiositati, quod dicitur negligentia, & in quantum sub illo cadit; & ei subest. Unde sicut supra disp. 3. art. 4. dicebamus, omissionem missæ contingentem in somno, & in ipso indirectè volitam, non solum in causa, sed etiam in scipsa esse peccaminosam, quamvis id non habeat à se, sed à causa, seu dependenter ab illa; ita in praesenti asserimus, ignorantiam actualem vincibilem eorum qua scire tenetur, esse formaliter in scipsa peccatum omissionis, quamvis id non habeat à se, seu secundum se, sed dependenter à causa, in qua libera & voluntaria est, nimur à negligentia sciendi ea qua scire tenetur. Ex quo soluta manent argumenta, quæ fieri solent in contrarium.

ARTICVLVS II.

Vtrum quoties voluntas peccat, precedat aliquis error practicus, vel saltē aliquia inconsideratio in intellectu?

17. **N**O T A N D V M primò, in intellectu qualiter duplicum posse reperiiri defectum: Primus dicitur pura nescientia, qua est carentia cognitionis eius quod quis non tenetur scire, & convenit omni intellectui creto, sive humano, sive angelico, respectu alicujus objecti, ut articulo precedenti vidimus. Secundus appellatur ignorantia, qua est privatio cognitionis habitualis quam quis habere debet. Tertius dicitur error, qui est judicium de aliqua re aliter quam est. Quartus vocatur inconsideratio, qua est privatio actualis considerationis, quam quis debet habere circa objectum, quod habitualiter cognoscit.

18. Notandum secundò, duplicum distingui etorem; unum speculativum, quo quis judicat licere quod non licet, v. g. furtum esse licitum: aliud practicum, quo judicat hic & nunc faciendum esse quod non licet; sicut quando aliquis judicat sibi hic & nunc convenientis esse futuri. His præmissis, sit

S. I.

Conclusio affirmativa statuitur.

19. **D**Igo igitur, non posse voluntatem peccare; nisi aliquis error practicus, vel saltē aliqua inconsideratio seu inadvertentia, in intellectu præcesserit. Ita communiter docent nostri Thomistæ contra plures ex Recentioribus, & colligunt ex Aristotele t. Ethic. cap. 3, ubi ait: *Omnis pravus est ignorans: cui conforme est illud Proverb. 24. Errant omnes qui operantur iniqitatem.* Ubi Caetanus hac scribit: *Quia error ad intellectivam partem pertinet, ex hac auctoritate scriptura habetur quod omnis malus errat: Et consonant Philosophi, dicentes quod omnis malus est ignorans.* Favet etiam D. Thomas t. p. qu. 63. ar. 1. ad 4. vbi sic ait: *Peccatum mortale in actu liberis arbitrii contingit esse duplicititer: uno modo ex hoc quod aliquod malum eligitur; sicut homo peccat eligendo adulterium, quod secundum se est malum; Et tale peccatum semper pro-*

Acedit ex aliqua ignorantia, vel errore; alioquin id quod est malum non eligeretur ut bonum.... Alio modo contingit peccare per liberum arbitrium, eligendo aliquid quod secundum se est bonum, sed non cum ordine debita mensura aut regula.... sicut si aliquis eligeret orare, non atten- den ad ordinem ab Ecclesia institutum: Et huiusmodi peccatum non praexigit ignorantiam, sed absentiam solum considerationis eorum que considerari debent: Et hoc modo peccavit Angelus convertendo per liberum arbitrium ad proprium bonum, absque ordine ad regulam divinae voluntatis. Quibus verbis S. Doctor aperte docet omne peccatum aliquem defectum in intellectu supponere; in humano quidem, defectum erroris practici; in angelico verò, quantum ad pri- mum peccatum, defectum duntaxat inadvertentia seu inconsiderationis.

Ratio etiam suadet: Cùm enim voluntas sit appetitus rationalis, sequens dictum & direc- tionem intellectus, nunquam eligit aut respuit aliquid objectum, nisi intellectus judiceret hic & nunc illud esse amplectendum vel responsum: Ergo quotiescumque homo peccat eli- gendo aliquod objectum malum, & recte rationi dissonum putat adulterium, aut furtum, debet intellectus judicare hic & nunc illud esse eli- gendum: Sed judicium quo judicatur aliquid esse eligendum, quod secundum rectam ratio- nem non est eligendum, est falsum & erroneum: Ergo in omni peccato, quo aliquod objectum moraliter malum eligitur, debet esse judicium practicum erroneum, subindeque aliquis error practicus.

Confirmatur & magis illustratur hæc ratio ex doctrina quam tradit Nazarius t. p. qu. 63. art. 3, controv. 1. Omnis elec- tio voluntatis, quæ bonum aliquod particolare eligitur, supponit aliquem discursum formalem aut virtualem intellectus practici, qui ex duabus constat præmissis, una universali, qua dictat bonum esse aman- dum & prosequendum, & altera particulari, qua dicit, hæc actio hic & nunc in particula- est mihi bona & conveniens, ex qua sequitur hæc conclusio regulans electionem: Ergo talis actio hic & nunc à me exercenda est. Sicut ergo in speculativis error vel falsitas, qua est in conclusione, reducitur ad falsitatem vel errorem, qui continetur in altera præmissarum; ita in moralibus omnis elec- tio prava, & difformis regu- lis morum, debet procedere ex aliquo errore practico, seu judicio practice falso, quod in aliqua præmissarum contingatur. Unde sicut in isto syllogismo speculativo: *Nullum animal pre- ter rationale est risibile: Sed homo non est animal rationale: Ergo homo non est risibilis;* error qui est in conclusione, reducitur in judicium falsum & erroneum, quod continetur in Minorī; ita & in isto syllogismo practico, quem homo quotiescumque peccat, vel formaliter, vel virtua- liter format: *Bonum est prosequendum: Sed eli- cere hic & nunc hanc actionem difformem regulis morum, putat furtum, vel adulterium, est mihi bonum & conveniens: Ergo hic & nunc à me exercenda est;* falsitas & error practicus qui est in conclusione, reducitur ad judicium falsum & erroneum in minori propositione contentum.

Dices, tale judicium non esse falsum aut er- roneum, quia solum dictat voluntati hanc actionem esse utilem, aut delectabilem sensui, vel appetitu; in quo judicio nulla continetur fal-

22.